



**Philippi Ecclesiæ Eystettensis XXXIX. Episcopi. De  
Eivsdem Ecclesiæ Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philip *<Eichstätt, Bischof>***

**Ingolstadii, 1617**

Cap. XI. De sepultura S. Richardi Regis, iuxta S. Frigidianum.

---

[urn:nbn:de:hbz:466:1-70477](#)

tollentia perfectionis eius culmen nequaquam attingeret. Considerantes autem filij, præclari Doctoris Ambrosij sententiam, eum potius post mortem quam in vita laudasse inueniuntur. Sunt autem S. Doctoris verba hæc: Duplici ex causa melius est hominum magis \* memorie dare laudem quam vitæ; ut illo potissimum in tempore merita sanctitatis extollas, quando nec laudanti adulatio nocet, nec laudatum tentat elatio. Lauda ergo post periculum, prædicta securum, lauda nauigantis felicitatem, sed cum peruerterit ad portum: lauda ducis virtutem; sed cum perductus est ad triumphum.

## CAP V T XI.

*De sepultura S. Richardi Regis iuxta  
S. Frigidianum.*

**S**Vpra dictæ ergo ciuitatis optimates sanctissimum funus reuerenter adierunt, accorpus cum debita solennitate Ecclesiasticae sepulturæ commendarunt in Ecclesia S. Frigidiani ipsum ponentes, satis è propinquo in signū sanctitatis sanctum

G 3

sancto

sancto sociarunt. Quod aspicientes flebant filij, ac sodales ipsorum, qui aderant, quod tāti patris corporali præsentia orbati essent. Gaudebant verò magis, quod ad cœlestem iudicem tam Deo placitum intercessorem præmisissent. O B. Richarde, qui valde dīnes Latina lingua interpretaris: Tu veras diuitias nunc perfectè introisti: vnde tibi gaudendum potius, quam flendum existimamus: mortem enim non suscepisti sed evasisti; subtractus es aspectibus hominum, sed oblatus es obtutibus Angelorum: sublatus es mundo; sed receptus es cœlo: clausus es sepulchro, sed magnificatus es in Dei regno. O quam optabilis est illa dies sanctis, & Dei fidelibus, in qua etsi moriuntur mundo, nasci tamen feliciter incipiunt in cœlo. Et ideo sacrosancta mater Ecclesia hunc diem non mortis sed *natiuitatis* appellat: quia post mortem carnis, gaudia incipiunt possidere æternæ hæreditatis, Propheta attestāte, q̄ ait: *Cum dederit electis suis somnū: ecce hæritas Domini;* ecce presentialiter, ecce euidenter. Post mortem enim

Sancto.

*Richardus,  
quid latine &  
gnifices.*

*Psal. 126.*

Sanctorum quæ somnus dicitur, hæreditas  
 æternæ retributionis assignatur. Hanc diem  
 optabat Apostolus cùm dixit; Cupio dissol-  
 ui & esse cum Christo. & Psalmista: *Sicutiuit Psal. 41.*  
*anima mea ad Deum fontem viuum, quan-*  
*do veniam eis apparebo ante faciem Dei?* Et  
 quia B. Richardus in hac mortali vita se ho-  
 stiam sanctam eis immaculatam rationabi-  
 liter viuendo, & membra sua mortifican-  
 do Deo exhibuerat, Deus manifestissimis  
 signis ostēdit in terris, quid mercedis, quid  
 dignitatis inter sanctos Dei pro labore suo  
 receperit in cœlis. Ex quibus ostensionibus  
 vnum miraculum ex innumeris excerp-  
 simus, gratia breuitatis alia trāseuntes, quod  
 huic opusculo decreuimus annotare.

## CAPVT XII.

*Demiraculo S. Richardi Regis post eius  
 obitum ostenso.*

**G**itur quando corpora Sanctorum,  
 scilicet B. <sup>\* Aliter, Frigi-</sup> Frigidiani, <sup>\* qui fuit</sup> Cassi, & san-  
 ctæ Faustæ Virginis translata sunt, & loco  
 magis honorabili consignata, corpus B. Ri-  
 chardi

*Mors Sancto-  
 rum somnus.*

*Rom. 12.*